

Mas control riba cumplimiento cu e ley di admision (LTUV)

Cu excepcion di personanan pa ken e LTUV no ta aplicabel of tin admision segun ley, tur otro persona ta rekeri segun ley di tin un titulo di estadia pa permanece na Aruba.

Tur persona cu tin permiso di estadia temporario of pa tempo indefini tin e obligacion segun ley pa cana cu nan permiso y tambe un identificacion valido na tur momento y tur e obligacionnan di muestra e funcionario encarga cu control di LTUV.

Esun cu ta actua contra di nan permiso di estadia tem-

trabou of ta traha pa un otro dunado di trabou e persona ta actuando en contra di su condicionnan di permiso di estadia.

Un persona cu ta actua en contra di su permiso mester ta consciente cu tin consecuenciasnan acopla na esaki. Sancionnan pa cu esaki lo por encera cu e su permiso lo por wordo revoca, cu un siguiente permiso lo por wordo nega of cu e lo por wordo deporta.

Tambe ley ta acopla consecuencia na esun cu a laga e persona traha cerca dje mientras cu e no tin un permiso of no tin permiso pa traha eynan



poral of indefini segun ley di LTUV, ta igual na un persona cu no tin un estadia legal na Aruba.

Esaki ta significa cu si un persona su permiso ta specifica cu e no mag di traha, e no mag di eherce ningun tipo di trabou, ni pa su mes ni pa un otro persona.

Esaki ta significa tambe cu na momento cu su permiso ta specifica cu e mag di traha, cu esaki ta mara na un dunado di trabou specifico y un funcion specifico. Si e persona ta eherce un otro tipo di

of den e funcion ey.

Terminacion di amnistia sigui pa mas control

Minister di Integracion a duna pa 5 aña largo (2010 - 2014) na esunnan cu tabata residencia na Aruba caba pa mas cu 5 aña, e oportunidad den forma di un permiso di amnistia, pa por regla nan estadia legal.

Den e periodo aki un amnistia special a wordo duna na e personanan cu por a cumpli cu e rekisitonan di e maneho aki.

Awor cu a duna tur espacio na e personanan indocumenta pa drecha nan estadia legal y keda den e ciclo legal, lo bay over implementa control nan pa cu e cumplimiento di e ley di admision.

Na e momento cu ta eherce control y cu wordo constata cu un persona no ta cumpli cu e rekisitonan di ley, lo bay over na tuma accionnan necesario.

En corto esaki ta encera deportacion di e persona indocumenta y duna multa

administrativo na esun cu a emplea impugna cu e ley di admision.

Cual hecho por conduci na un multa administrativo?
Segun e ley di Admision (LTUV) tin 3 hecho cu por conduci na un multa administrativo na e dunado di trabou;

1. Emplea un trahado cu no ta dispone di un permiso valido di estadia, pues un trahado cu ta 'ilegal'.
2. Emplea un trahado cu tin un permiso valido di estadia, pero cual permiso no ta duna pa traha, of por pero no cerca e dunado di trabou ey, of den e funcion ey.

3. Permeti pa un persona haci trabounan los, sin cu e ta den posesion di un permiso di estadia pa cu esaki.

Ken ta constata e infraccion di ley?

Na momento cu e controlado di ley di admision constata cu e dunado di trabou ta actuando impugna di e ley di admision, e procedura di multa administrativo lo wordo cana.

Na e momento cu esaki tuma luga e dunado di trabou of

su representant tin e deber pa duna tur cooperacion na e controlado di gobierno. Esaki ta inclui duna acceso na tur e bukinan di e compania y duna tur cooperacion cu ta rekeri di dje.

Con halto e multa administrativo ta?

Ta distingui dos categoria di multa administrativo. Sea e ta un multa administrativo pa un persona natural of un multa administrativo pa un entidad huridico.

E multa administrativo pa un dunado di trabou particular por ta un maximo di Afl. 10.000,- y pa un entidad huridico un maximo di Afl. 25.000,- pa cada persona indocumenta of cada persona cu a actua impugna cu condicionnan di nan permiso di estadia.

E suma di e multa administrativo ta depende di e tipo di infraccion, e cantidad di persona indocumenta of cu a actua impugna na e condicionnan di su permiso di estadia pa cual ta wordo constata un infraccion y e frecuencia di e control.

Si ta trata di un prome infraccion, lo considera si e dunado di trabou lo por haya sea un aviso of un multa administrativo. □